


北京圖書館出版社

福建師範大學圖書館藏
稀見方志叢刊



方寶川
陳旭東◎主編

斜笑飛花落客鞍東野先生方載酒西川博士亦
冠莫憐白髮江湖遠且為諸公一盡懽

發白沙至河口

以上俱懷安

發白沙驛亭午至水口山

字伯溫括蒼人誠意伯

去濛蛟龍過隱隱怒雷吼

馮翼惑前後

福建師範大學圖書館藏

稀見方志叢刊

方寶川 陳旭東◎主編

5

北京圖書館出版社

第五冊目錄

〔萬曆〕永福縣志六卷 一

〔弘治〕長樂縣志八卷 三九七

永福縣志序

唐令君涖永之三年而永大治其
始猶與民相約以科條久之直相
信以肝膽蒲不待鞭像無庸畫於
都哉其有陶唐氏之遺風乎卓茂
魯恭方斯蔑矣政成之暇撈緝邑

老未移時而竣或謂永自開國
至今代無顯人其山川故自邃秀
而未嘗有茂明之紀述若左太冲
張平子之文章其人才多文學掌
故官於茲土者率斤斤奉功令亦
無從而見晉董狐齊南史之直筆

志其可以已令君曰不然三家之
市必立之平十步之內必有茂草
夫既儼然邑也有民人焉有社稷
焉安見方六七十如五六十而非
邦也者志義惡可已余不佞喜聞
其說以為令君循吏偉人其修志

則猶行古之道也夫今之修邑志者林立要與古異古之為志蘄于信人而傳後而今之為志侈鉅麗之觀極結撰之致使讀其書者如聽鈞天之廣樂于帝所而河伯望洋而歎也二三十年之內亦稍可

不第廢夫傳先民論往事宜告
人若辯其辭則恐人懷其文忘其
直其文害實也此與楚人鬻珠秦
伯嫁女同類令君之志無是也撫
實以徵詞程有以建獲不必滅之
所醜而飾為文明此亦國風之蟋

三
蟀山樞夫惟其如是古以余不佞
之位卑而言俚而亦可以序也雖
有採風之太史抱復古之深心其
所取倘不在彼而在此則志之不
朽何俟再計余不佞之俚言附而
俱久未可知也余與令君且俟之

楚西陵周之夫書于三山
之官消暑

永福縣志序

余不佞之竊邊陲也則側聞郡之
縉紳先生與博士諸生方纂修郡
乘搦管握槩以衡隲千秋業已成
帙矣顧余不佞職在封疆弗獲抒
野謀以佐末議即幸而濫竽其間

三長之謂何余甚懼焉亡何而永
陽唐父母乃以永之志所嘗纂修
於繕部謝君者辱書遙及榆林而
屬余弁其首余乃得而覽觀焉蓋
志備之矣夫志猶之史也所以稽
名揆實徵文考獻信今茲而永來

裔者也是故儲材旣普羅網或遺
廢先世詩書禮樂之澤賢人貞烈
名湮滅而不章其失則簡乃若稽
覈弗精疑信傳聞忽任耳而逐聲
遂師心而自是謬加獎借妄意譏
評其失則誣至使後之觀是志者

欲彷彿其舊蹟杳如旆韋庖義氏
之酒絕徒相與咨嗟嘆息於若有
若無若存若亡之際轉而推尋衆
言明興聚訟不息而壬人蒙幸至
欲裂眦而詈之不得貞士見點至
欲起之九原而不得使後之人以

為方可蓋垢可飾競相與請託營
私求免於隻字之斧鉞蓋簡失而
轉趨之繁誣失而轉入於諛勢之
漸靡使然志之不得比於信史以
此以今觀於永志抑何詳而有體
核而不浮也今亡淪其微詞奧義

即一展閱而與圖之席狹絢如也
戶口產畜賦役之登耗繁省非如
也宦績戎祀之倏久倏遷倏舉倏
墮又無不可臚列而枚舉也覽方
廣姬巖之奇勝至今人飄然欲僊
仰吊牛山俯睨東陽又若挹徐登